

Guaraní - Mano Ñandejára Ñe'ẽ - Free from Death Scriptures

Romanos 6:23 Angaipa apo oporogueraha ñemanóme, Tupã jopói katu jeikove
opa ára guarãme, joajúpe Ñandejára Jesucristo ndive.

Romanos 8:2 Pe Espíritu rembiapoukapy oporomoingovéva Jesucristo rupi, nde
pe'a pe angaipa ha mano rembiapoukapýgui.

2 Timoteo 1:10 Ha mba'eichaite pevépa ha'e imba'e porã, ko'ágã ojehechauka
ñandéve Cristo Jesús rupi, pe ñane pysyrõva. Ha'e upe ohundi vaekue
ñemano ha marandu porã rupi ohechauka pe jeikove opa'ýva.

Job 5:2 Py'aro niko ojuka ivýrovape, ha py'arasy hovatavývape.

Oseas 13:14 Ha che piko aipytyvõta ani haguã omano? Che piko amoingove
jeýta? Nde, mano! Mamópa oime nde pokatu reporohundi haguã? Mamópa
reime yvykua reporomokõva? Ndaiporiahurereko mo'ávémia che ko'ávape!"

Salmos 9:14 Ñandejára che poriahurereko kena. Nderehechái piko mba'éichapa
che jopy vai umi che rehe ija'e'ýva? Amanótama niko. Ejúna che renohẽ mano
rãiguágui.

Job 6:26 Peẽ pejuhu vai che ñe'ëngue tarova ogueraháva yvytu.

Job 33:22 Yvykua rembe'ýpema oĩ imano rokẽme.

Ezequiel 37:12,13 Néi, eñe'ëve chupe kuéra che rérape: Kóicha he'i Tupã: 'Che
retãguá maymáva, poguenohëta pe yvykua peñeñotý haguégui ha pomondo
jeýta tetã Israélpe. 13 Ha ágã poguenohë jeýma ramo pe yvykua peñeñotý
haguégui, pehecha kuaáta, peẽ che retãguá, cheha Tupã.

Mateo 27:52 Umi omanóva oñeñotýha juru katu ojepe'apa, ha heta imarangatúva,
omano vaekue, oikove jey.

Génesis 2:7 Upérõ Tupã Ñandejára ojapo ñai'ügui kuimba'e ha oipeju itínguápe
ipytu oporomoingovéva. Ha upe kuimba'e oñepyrû oikove.

Génesis 6:17 Ajaho'ipáta ýpe yvy ape, ahundi haguã opa tekove ipytuhëva yvága
guýpe. Oikovéva guive yvy apére omanóta.

Génesis 7:15 Opa umíva oike mokõi-mokõi Noé ndive ygára guasúpe.

Génesis 7:22 Opaichagua ipytuhëva yvy ári omano.

Job 12:10 Ipópe oĩ opa oikovéva rekove.

Job 33:4 Tupã, ipu'akapáva, che apo ha oipeju che pype ijespíritu.

Hechos 17:25 ha noikotevëi avave ojapo hese mba'eve, ko ha'e voi ome'ëva
ñandéve, jeikove, pytuhë ha opa mba'e.

Apocalipsis 13:15 Ha pe tymba vai guasu mokõihápe oñeme'ẽ pu'aka omoingove
haguã pe tymba vai guasu peteihápe, ha upe ta'änga oñe'ẽ ha ojuka haguã
umi chupe omomba'e guasu'ývape.

Juan 10:10 Mondaha niko ou omonda, oporojuka ha ohundi haguã opa mba'e.
Che katu aju peikove haguã, ha peikove haguã peikotevë'ýre mba'eve.

Isaías 28:15 Peẽ peje: "Roñe'ẽ me'ẽ ñemano ndive, rome'ẽ ore ñe'ẽ omanóva
retãme, ou vove pe ára ivai etéva, ani haguã ore rupyty. Japu oiháme roheka
rokañy haguã, porombotavy oiháme roñemo'ã."

Isaías 28:18 Ñe'ẽ me'ẽ pejapo vaekue ñemano ndive opyta reíta, ha ñe'ẽ me'ẽ

omanóva retā ndive ndoiko mo'āi marāve. Oúta pe ára ivai etéva ha pene mbochipéta.

Isaías 5:24 Upévare peñehundíta tata ohapyháicha kapi'i, ha ñana pirukue ombokusugue. Pende tujupáta yvyra rapóicha ha pende poty ku'ipáta yvy timbóicha. Ñandejára ipu'akapáva remimbo'e ndapeikuaaséi haguére, peapo'i haguére Tupāme, Israel pegua Imarangatúva.

Joel 1:12 Parralty ipirupa, ígo avei, granáda, mbokaja ha mansána kuéra ipirupa, yvyra máta ñumegua ipirupánte avei. Opa vy'a opa rupi ete!

Oseas 13:15 Israel ipoty ramo jepe, oúta yvytu kuarahy resē guio, pe yvytu ratā oipejúva, yvy ojeiko'ýha guio, ha ombohypáta ykua ha yvu kuéra. Umi hese ija'e'ýva oipe'apáta chugui, imba'eta ha imba'ejegua.

Apocalipsis 22:1 Pe Tupā remimbou ohechauka chéve peteī ysyry potī, henyhëva jeikove rehégua ýgui. Hesakā satī asy, ha osē Tupā ha Ovecha Ra'y guapyhágui.

Juan 4:10 Jesú斯 he'i chupe: --Reikuaa rire pe Tupā ome'ëva ha mávapa upe ojeruréva ndéve y, nde rejerure vaerā chéve, ha ame'ë vaerā ndéve y ne moingovetéva.

Juan 4:14 Pe hoy'úva upe y che ame'ëvagui katu, ndaijuyhéi mo'ā véima araka'eve. Pe y chupe ame'ëva ku yvúicha opupúta ipype ha omoingovéta chupe opa ára guarã.

Proverbios 13:14 Iñarandúva ñe'ëngue ombopyahu tekove, ha oporope'a manógui.

Proverbios 14:27 Ñamomba'érõ Ñandejárape jaikove ha ñande pe'áne mano po guýgui.

Ezequiel 13:17-23 "Nde, kuimba'e tereho kuña kuéra nde tavagua rendápe, oñemoïva oñe'ë hikuái che rérape ijehogui rei, 18 ha ere chupe kuéra: Kóicha he'i Tupā, opa mba'e Jára: Cháke, peë peporombotavyséva, pejapóvo mba'e ojereraha vaerā pyapýre ha akā rehe pajerā. Peimo'ä piko péicha pejapotaha pejaposéva che retā guápe ou porā haguā peëme? 19 Seváda ra'ýi mbovymíre ha mbuja pehënguemíre peë che momarā che retäguá renondépe, pejuka amano'ý vaeräme ha peheja oikove oikove'ý vaerā. Péicha pembotavy che retä guápe, ohendúva pene ñe'ë japu. 20 Upévare che, pende Jára, ha'e: Che ndacha'éi umi mba'e pyapy ha akā rehe pejapóva peporoity haguā guyráicha ñuhäme. Che ajoráta umi pyapy rehégua peiporúva peporomosã haguā ha amosásóta chupe kuéra. 21 Umi akā rehégua peiporúva avei amondoropáta ha che retä guápe aipe'áta pende hegui, ho'ave'ý haguā pende poguýpe ha ndaperaha mo'ā véima pene ndive. Péicha peikuaáta cheha opa mba'e Jára. 22 Peë, pende japúpe pembopy'amirímba imarangatúvape, mba'e che ajapo'ýva, ha umi iñañávape pemokyre'ý hembiapo vaípe, ani haguā opoi ivaívogui ha upéicha oikove. 23 Upévare, peë na pende rembiecha japu mo'ā véima, ha ndapeiko mo'ā véima perosapukái pene marandu japu. Che anohëta che retä guápe pende poguýgui, ha pehecháta upévo cheha opa mba'e Jára".

Jeremías 21:8 "Emombe'u avei tetä guápe, che, opa mba'e Jára, ha'eha Kóicha: 'Aiporavouka peëme jeikove térra ñemano rape.

Job 34:22 Ndaipóri pytū hypy eteíva, omo'ã vaerã heko añávape.

Salmos 16:10 Nda che rejái chéne amano. Ndereheja mo'äi ne irüme yvy kuápe ojeity.

Salmos 23:4 Ahasa ramo jepe ka'aguy yptyü rupi, ndakyhyjéi chéne, nde, che Jára, reimégui che ndive. Nde yvyra jekoha, nde rehe che mbojerovia.

Salmos 30:4 Ñandejára, amanomahágui che moingove jey, che renohë omanóva ohohágui.

Salmos 49:16 Tupã nda che rejái chéne amano, ha hendive, ha'e che reraháne.

Salmos 56:14 Nde niko nderehejái amano térra ha'a. Upéicha rupi aikóta Tupã renondépe ojeikoháicha ára sakäme.

Salmos 68:21 Tupã niko upe ñane pytyvõva ha upe ndohejáiva ñamano.

Salmos 89:49 Máva piko umi omano'ýva, térra ndohóiva omanóva ohohápe?

Salmos 102:20,21 Ñandejára oma'ë yvýre amo yvatégui, upe hekoha marangatu guive oma'ë, 21 ohendu haguã iñapytimbýva ñembyasy, ha umi ojejukátavagui opoi haguã.

Salmos 116:8 Ha'e ndohejái amano, térra che resa henyhë tesaýgui, térra añepysänga.

Proverbios 10:2 Imonda pyre naiporäi avavépe guarã, teko joja katu ñande pe'a manógui.

Isaías 26:19 Judagua omano vaekue oikove jeýta, hetekue opu'ã jeýta, yvýpe okéva opáy jeýta ha osapukái rorýta. Nde ysapy niko oporomoingove, ha umi omano vaekue heñói jeýta yvýgui.

Juan 5:28,29 Ani peñemondýi ko'ã mba'ere. Oguahëta hína ára opa omanóva ohendu haguã che ñe'ë, 29 ha osembáta ityvy kuérargui hikuái. Umi hembiapo porä vaekue, opu'ã jeýta oikove haguã opa ára guarã. Umi hembiapo vai vaekue katu, opu'äta oñehundi haguã.

Juan 10:28 Che ame'ë chupe kuéra tekove opa ára guarãva, ha araka'eve ha'e kuéra noñehundi mo'äi, ha avave ndoipe'a mo'äi che hegui.

Juan 11:43,44 Péicha he'i rire, osapukái: --Lázaro, esë upégui. 44 Pe omano vaekue osë okápe. Umi ipo ha ipy ojejokuapa génerope, ha hova katu ojejaho'i pañuélope. Jesús he'i upépe: --Pejora ha peheja toho.

Juan 12:17 Umi oï vaekue Jesús ndive ha'e ohenói ramo guare Lázarope itakuágui ha omoingove jey ramo guare chupe, omombe'u umi mba'e ha'e kuéra ohecha vaekue upérõ.

Juan 17:2 Nde niko remoï ipo guýpe opa yvypóra, ha'e ome'ë haguã jeikove opa'ýva opa umi chupe reme'ë vaekuépe.

1 Corintios 15:19-26 Opa ñaha'arõva Crístogui ko yvy ári guarânte ramo, ñande, aipórõ, opa yvypóra apytépe umi ohasa asyvéva. 20 Añetehápe katu, Cristo oikove jey. Ha'e niko koga'a oñemono'õ tenondéva. Pe tenonde oikove jey vaekue. 21 Peteï yvypóra rupi ou haguéicha ñemano, ambue rupi ou pe omanóva jeikove jey. 22 Adán rupi opavave omano ramo, Cristo rupi opavave oikove jey vaerã. 23 Peteï-teï hendaguãme, hembiapo kuerakue ojerureháicha: Cristo tenonderã, upéi, Cristo ou jey vove, umi heseguáva. 24 Upévo oguahëta pe ára paha, Cristo ohundipahápe opaichagua pu'aka ha mburuvicha, ha

ombohosa ñesāmbyhy Tupā, ñande Ru, pópe. 25 Cristo oisāmbyhy vaerā opa ija'e'ŷva hese oñemoïmba peve ipyguýpe. 26 Ha pe ipahaite oñehundítava, upéva hína pe ñemano.

- 2 Corintios 1:9,10 Roñeñandu rojererahárō guáicha rojejuka. Opáichavo, upéva ore reko mbo'e vaekue ani haguã rojerovia ore jehénte, Tupā rehe añaite katu, upe omoingove jeýva omanóvape. 10 Ha Tupā ore pe'a vaekue, ore pe'áta ñemano räinguágui. Rojerovia akóinte ore pe'ataha rohóvo,
- 2 Corintios 3:6 Ha'e niko che mbokatupyry aiko haguã Ñe'ẽ Ñome'ẽ Pyahu rembijokuáirõ. Upe Ñe'ẽ Ñome'ẽ Pyahu ndoguapýi tembiapoukapy ári, Espíritu pokatu ári katu. Pe tembiapoukapy reheguáva niko oporojuka, pe Tupā Espíritu reheguáva katu oporomoingove.

Colosenses 1:21,22 Peẽ vaekue yma tetã mombyrygua ipy'apýpe ija'e'ŷva Tupãre, opa mba'e vai pejapóvare, 22 Ha ko'ágã Cristo pene moingo porã jey, omano rupi yvyporaháicha. Ha upéva ojapo pende rereko haguã henondépe, marangatúpe, pende ky'a'ŷre ha pene rembiapo vai'ŷre.

Hebreos 2:9 Ha jahecha mba'éichapa Jesús, Tupā omomichĩmive vaekue sapy'ami hemimbou kuérargui, yvate ohupi ha omomba'e guasu chupe, pe omano haguéicha omano rupi. Tupā, ohechaukávo imborayhu ñande rehe, oheja omano ñande rehahápe.

Hebreos 2:14,15 Ta'ýra kuéra ha'eháicha peteĩ to'o ha peteĩ tuguýgui guare, upéicha avei Jesús oiko vaekue yvypóraicha, ho'o ha huguy reheve, imano rupi ipu'aka haguã Aña, ikatúva oporojukáre. 15 Ha péicha oipysyrõ opa umi oiko vaekue kyhyje poguýpe oikove aja pukukue.

Hebreos 11:5 Ojerovia rupi, Henoc ojereraha vaekue yvágape omano'ŷre. Avave ndojuhuvéi vaekue, oguerahágui Tupā. Ha Ñandejára Ñe'ẽ he'i, ojereraha mboyve, Henoc ombohory hague Tupáme.

1 Pedro 3:18 Cristo jepe niko omano ñane angaipáre, peteĩ jey opa ára guarã. Ha'e na iñangaipái vaekue, ha umi iñañáva rupi ohasa asy, pende reraha haguã peẽme Tupā rendápe. Yvyporaháicha omano ha oikove jey espirituháicha.

2 Pedro 1:3 Tupā ipokatu rupi niko ome'ẽ ñandéve opa ñane remikotevõ ha jaikove haguã ha'e oipotaháicha. Ha'e oikuaauka ñandéve Cristo, pe ñane renói vaekue umi mba'e hechapyrãva ha'e ojapo vaekue rupi.

1 Juan 3:14 Ñande jahasa vaekue ñemanógui jeikovépe, ha jaikuua jahayhúgui ñande rapichápe. Pe oporohayhu'ŷva omano gueteri.

1 Juan 5:11 Ko ojekuaaukáva hína, Tupā ome'ẽ hague ñandéve jeikove opa'ŷva, ha avei ko jeikove oïha Ita'ýrape.

Apocalipsis 21:6 Upéi he'i chéve: "Oïma. Che hína pe alfa ha pe oméga, pe iñepyrûha ha ipaháva. Ijyuheivape reiete amboy'úta jeikove reheguáva yvúgui.